

婦科胎產經驗良方一

書簽	
午 3	1
3	4
共 4 冊	

易曰乾道成男坤道成女生
生之理也有生生之理即有
生生之氣有生生之氣即不
能無寒暑燥濕之感而所感
不正者病生甚且有病於其

生天不忍人之生而病又病
於其生也於是乎奉生人之
心復生辛甘酸苦之物假乎
於存心濟人之人因有君臣
佐使之方以治之古人之方

審矣然非理晰見真毫釐千
里害在反掌間可不慎與汪
生嘉謨少讀儒書以貲入成
均性豪爽心切利物乎散數
萬金既而歎曰擇術濟人其


莫仁於岐黃乎爰究其蘊而
精焉尤於胎產一門尋委探
源參考互証萃前人所未驗
發前人所未明力殫書成無
由行遠余付梓而傳之汪子

之書行濟人之術廣矣夫苗
方秀而滋以灌溉果既落而
培其本根善樹者其於生生
之理不無小補而善醫者果
有得於是書則所以體天地

之德而全生人之命者更當
何如耶

乾
十七年黃鐘月

山左董思恭題



醫者之為道所以保生而產者人之所由生也
順其道則子母俱生故保生者尤必慎於
保產而難產之症尤為保產之所當急於
講求者凡產之所以難蓋因平時失於調
養臨產急於催生或坐草太早或湯藥
亂投以致氣逆血涸而成險症當此時病

家既驚皇無措醫者亦束手無策則備

急諸方又烏可以哉武陵汪子至長精岐

黃術尤究心於難產彙集方來方書

為一帙既已屢試輒效又不私其術歆

付剞劂以公諸世俾深山窮谷江陬海

澨之人艱於覓醫者可以一覽而得其惠

世之心良厚矣

中丞揚公嘉許而力成之至言又問序於予

予觀其書卷帙不繁而病源治法無不畢


具是誠有益於民生者固不辭而為之序

省

乾隆十一年歲次丙寅嘉平中憲大玄知

長沙府事加三級河南呂肅高南村氏

拜誤



胎產輯萃凡例

一婦人之症莫危於胎產古今著述之家列於女科門中略而不詳鮮有專書業醫之家藏書縱富難免翻閱之煩如其不然必多憑臆之患誤用是不揣固陋根柢準繩博訪羣書精擇方論間附管見彙集成帙名曰輯萃胎前產後證治畢以便同志之觀覽且免臨症之師心不一助

一古今稟賦有厚薄之殊占方藥多峻烈執以醫今人不惟罔效且恐速禍諸書所載之方多屬唐宋元大

家其過於峻烈者雖未經收錄而所收者亦宜相人體質而施因更廣採有明暨

國朝諸名家之方以便適用但其方多藏於論案之中觀者幸爲着眼

一產後十八證如胞衣不下子死腹中及血暈等證俱在臨產之時是以悉入難產門中但分立子綱方論詳載其下觀者閱總目勿謂遺漏

一同屬一症胎前產後主治迥異毫釐之差卽成千里之謬今前後分門俾閱者一目了然庶無混淆之患

一此書端爲胎產而輯故胎前產後諸症悉備其餘婦科雜症雖調經養血爲致孕之由亦屬未受胎以前之事概不附錄以免紊雜

一難產息胎于死諸症危在頃刻泛常藥餌鮮克奏效必須回生丹花蕊石散等劑然非倉卒能辦兼之藥品珍貴業醫之家亦難儲備今附錄其方供樂善之士修合施送以廣生生之德是所深望

一藥忌一條悉本前法如半夏一味雖云墮胎用亦無恙綱目醫案論之甚詳其餘藥味古方胎前有間用

者亦有故無殞之意今附卷末俾閱者觸目警心卽不得已而用亦宜詳審慎毋率意

一食物所忌知之者鮮縱或知之每不深信竊思無其事古人豈肯筆之於書亦附載卷末望同志者之勸諭毋圖悅口於一時以致貽悞於後日

一論案必載書名及先賢姓氏者不沒所自也一書之中或採一條或取數句則總必論徹病源案中病情者然後採取以爲正鵠間附奇疾者俾觀於平時庶猝然遇之毋虞棘手耳

胎產輯萃目錄

胎前

卷之一

胎產大法

逐月養胎法

惡阻

胎動不安

胎上逼心

即子懸

經來胎漏

跌蹠毒藥傷胎

心痛

心腹痛

腹痛

小腹痛

腰腹背痛

心腹脹滿

卷之二

子腫